

Dienelkander



Nuusbrief van die Gereformeerde Kerk Potchefstroom-Oos

17 April 2016

OGGENDDIENS: Ds. Karel

Skriflesing: Filippense 1:1-11 (Afrikaans Direkte Vertaling)

Teks: Filippense 1:9-11 (Afrikaans Direkte Vertaling)

Tema: Christen, moenie soos `n bul in `n glaskas wees nie. Onderskei waaroor dit regtig gaan!

Wat sou gebeur wanneer `n bul in `n glaskas toe gemaak sou word? Hy sou natuurlik mos hierdie kas breek en in duisend stukkies trap. Ongelukkig gebeur dit dat ons as gelowiges soms só optree teenoor mense in die samelewing - en meestal doen ons dit eintlik met goeie bedoelings! Die rede hiervoor is dat ons fokus baie keer verkeerd is.

Die vraag is: hoe keer ek dit om? Hoe verander ek my aanslag en die manier hoe ek optree teenoor mense in die samelewing? Dit is hiermee waarmee Paulus ons vandag gaan help...

Lofprysing ter voorbereiding van die erediens

Sb 4-6 en Ps 150-1: 1, 3

Ontmoetingsdiens

Intreelied Lied 163; Votum; Seën;

Loflied: Ps. 92-2: 1, 2, 5; Geloofsbelofte: Apostolies (Hardop)

Verootmoedigingsdiens

Wet Eksodus 20; Sing Sb 9-3: 1, 2; Genadeverkondiging Romeine 7:14-25; Gebed

Woorddiens

Skriflesing; Sing Ps 16-3: 2, 3; Woordverkondiging

Antwoorddiens

Gebed deur sang Lied 284: 1, 2, 3; Liefdegawes; Gebed vir BNB; Sing Lied 530: 1, 2, 3; Seën; Amenlied Sb 13-3

AANDDIENS: Ds. Piet

Skrifgedeelte en teks: Lukas 12: 1 - 3

Belydenis: Heidelbergse Kategismus

Sondag 43

Tema: Leef eerlik en met `n skoon gewete want God ken al jou geheime.

Die "Panama Papers" skandaal is die grootste uitlek van mense se persoonlike finansiële geheime in die geskiedenis. Iemand in `n Panamese regsfirma het 11,5 miljoen geheime finansiële dokumente (2,5 TB se data) openbaar gemaak wat dateer vanaf 1970 tot 2015. Oor die 140 bekende politici, openbare figure, kriminele en film- en sportsterre van meer as 40 lande se finansiële geheime is oopgevlek. Dit gaan hoofsaaklik oor onwettige finansiële transaksies om belasting vry te spring deur jou geld weg te

steek. Ysland se eerste minister moes dadelik bedank toe sy wandade aan die lig kom.

Wat is daar in jou lewe wat jy nie wil hê ander mense moet van weet nie? Steek jy iets weg wat liewers nie moet uitkom nie? Kom ons ondersoek ons eie lewenswandel en vra of dit waarmee ons ons besig hou sonder skaamte van die dakke af verkondig kan word. Die Here het 'n afsku in skynheiligeid en wil dat gelowiges eerlik en met 'n skoon gewete lewe.

Vooraf sang

Ps 33-2: 1, 5 en Ps 34-1: 1, 6

Ontmoetingsdiens

Intreelied Ps 32-1: 1; Seën; Lofsang
Ps 139-1: 1, 3, 6; Gebed

Woorddiens

Skriflesing; Belydenis; Woordverkondiging

Antwoorddiens

Sing biddend Ps 26-1: 2, 3; Liefdegawes; Gebed vir BnB; Sing Ps 139-1: 12; Seën; Amenlied Sb 13-2.

MEELEWING

- Riaan Andersen (Groep 35 - 0815 438 793) se laaste operasie het goed afgeloop en hy is tuis.
- Tom Larney (Groep 29 - 082 711 2502) is deur 'n motorfiets omgery en het beserings asook ligte bloeding op die brein opgedoen. Hy sterk reeds tuis aan.
- Pieter Bredenkamp (Groep 23 - 082 879 7507) se operasie het goed afgeloop en hy sterk reeds tuis aan.

Ons bid dat die Here spoedig beterskap, herstel en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Marianne Kruger, Bettie Ras, Janet vd Walt, Hester Buys, brs. Isak vd Walt, Tjaart Snyman en Fanie Bezuidenhout.

ONS GROET

Tannie Marietjie Scheepers wat nou permanent in 'n tehuis in Pretoria opgeneem is.

ONDERSTEUNING VIR SIEKES

Vir ondersteuning of besoek deur die hospitaalbesoek-diensgroep, skakel hierdie week vir: siekies@oosdoppers.co.za of Anna Smith (082 765 9813)

AFKONDIGINGS

Vandag

9:00 Gebedsgroep
09:30 Oggenddiens
Kleuterbediening
Katkisasie 9
Tee en Koffie
18:00 Aanddiens
19:00 Spesiale Kerkraadsvergadering

Maandag

18:30 Volwasse kategese
19:00 Kommunikasiediensgroep

Dinsdag

06:00 Manne ondersteuningsgroep
18:00 Sustersbestuur

Woensdag

09:30 Bybelstudie
16:30 Katkisasie Gr. 9
17:15 Katkisasie Gr. 10
17:15 Katkisasie Gr. 11
18:00 Katkisasie Gr. 8
19:00 Bybelstudie: Klipdrif

Donderdag

Diakonie: Dagbestuur - word geskuif soos met dagbestuur gereël

Vrydag - Sondag

Gemeentekamp

Sondag

Diakonievergadering skuif na Sondag 8 Mei (avg Kerkkamp)

VERJAARSDAE

Baie geluk aan almal wat DV hierdie week verjaar!

Sondag, 17 April

Sr Riekie Schutte (81)	079 669 1588
Sr Gina vd Walt	084 405 3328

Maandag, 18 April

Sr Griet du Preez (85)	083 464 6553
------------------------	--------------

Dinsdag, 19 April

Sr Mariette Claasen	082 563 8069
Br Riaan Truter	071 895 5722
Sr Tharina vd Walt	072 119 6828

Woensdag, 20 April

Br Grobbie Grobler (80)	018 290 9974
Sr Magda Huisman	084 548 2714
Sr Mariaan Scholtz	084 245 9353

Donderdag, 21 April

Br Hansie Claasen	082 377 0494
Sr Carina Smits	084 209 4198

Vrydag, 22 April

Br Andries Pretorius	082 515 8554
----------------------	--------------

ANDER AFKONDIGINGS

- Liefdegawe vanoggend vir Barmhartigheid
- Gawe by die deure vanoggend vir die Kerkblad.
- Gawe volgende Sondag vir die Klassis: Sustentasie.
- Vrywillige bydrae vir voertuigsekuriteit in die bussies by die deure.
- Diensbeurte: Groep 18 en 19.

Hoe kweek ons hartsgesinne (8) – Chris Venter

Kinderdissipline 3

Natuurlike gevolge van die kind se gedrag

Dit is in sommige gevalle goed om 'n kind die natuurlike gevolge van sy/haar ongewensde gedrag te laat dra.

'n Voorbeeld: Tydens etenstye wil Sannie selde haar kos eet en dan lei dit tot konflik. Die volgende reël kan deur die ouers neergelê en aan Sannie verduidelik word: sy kan self besluit of sy wil eet aldan nie, maar sy moet mooi besef dat sy eers weer tydens

die volgende maaltyd kos sal kry. Daar sal geen kos of koekies vir haar gegee word sou sy na 'n uur honger word nie. NB: Uiteraard kan hierdie metode van dissipline nie in gevaaalike situasies toegepas word nie, bv. as klein Jannie met 'n skerp mes of vuurhoutjies wil speel moet dit summier verwyder word. Hy kan nie toegelaat word om self uit te vind hoe dit hom kan beseer nie.

Logiese gevolge van die kind se gedrag

Hierdie metode van dissipline stem baie ooreen met die vorige metode. Die ouers besluit vooraf saam met die kind wat die gevolge van die kind se ongewenste gedrag sal wees.

'n Voorbeeld: Kosie sukkel om soggens op te staan en betyds aan tafel te wees vir ete, en soms selfs om betyds te wees vir die bus wat hy moet haal skool toe. Die volgende reël kan deur die ouers neergelê en aan Kosie verduidelik word: pa of ma sal hom soggens op 'n sekere tyd deeglik wakker maak en dan is dit sy verantwoordelikheid om betyds te wees vir ete en die bus. Indien hy laat is kan hy dalk sy ete verbeur – hy kan selfs die bus verpas, MAAR dan moet die ouers hom nie aanry skool toe nie en ook nie die volgende dag 'n 'wit-leuen-brief' vir hom skryf om sy afwesigheid by die skool of sy laat kom by die skool te verduidelik nie. Sulke vooraf neergelegde reëls moet onverbiddelik toegepas word, want dan alleenlik sal die kind besef dat hy/sy verantwoordelikheid moet aanvaar vir sy/haar optrede. Hierdie metodes van dissipline voorkom dat die ouers gedurig moet neul dat 'n kind iets moet doen.

(Volgende week: Kinderdissipline 4)

MILDE HANDE (Hekel en Brei)

Almal wat help en nog wil help brei, nooi ons hartlik uit om vanoggend na kerk saam in die saal te kom tee drink. Ons nooi ook diegene wat wol geskenk het.

Groete, Annetjie, Lien, Corrie en Loretha



Ons benodig nog hulp en hande vir die brei van kindertruitjies. (10 x 4jr; 10 x 6jr; 10 x 10jr).

Patrone is by Annetjie Vermeulen beskikbaar indien u nie 'n patroon het nie!
Handig voltooide artikels in vanaf 26 April – 9 Mei by Annetjie Vermeulen of die kerkkantoor. Baie dankie vir almal wat hiermee help!

**KERKKAMP - SMILIN' THRU
VAKANSIEOORD
22 April - 24 April**

Kom geniet 'n naweek saam met medegelowiges!

Geografie: 6 km vanaf T-aansluiting by Parys, op Fochville-pad

Skakel vir Anna Smith indien u nog belangstel om plek te bespreek.

**ONTHOU OM ASB JOU NAAM OP DIE LYS IN
DIE VOORPORTAAL TE SKRYF INDIEN JY
EN JOU GESIN SATERDAGMIDDAG
HAMBURGERS WIL SAAM EET.**

KENELKANDER

Die nuwe gemeente-inligtingsboekie, Kenelkander, is beskikbaar in die Skuur vir lidmate wat een bestel het. Name is op die boekies geplak. Die belangrikste inhoud van die boekie is ook elektronies beskikbaar om af te laai op jou rekenaar of slimfoon. Hierdie inligting kan by die Kerkkantoor aangevra word.

Onthou dat die persoonlike inligting in die boekie slegs vir gemeentelike doeleinades gebruik mag word.

KERKLIKE TYDSKRIFTE

Die kerklike tydskrifte is in die Skuur beskikbaar. **Let asb daarop dat dit net vir lidmate is wat daarop ingeteken is.** Indien jou naam nie op 'n tydskrif aangebring is nie, mag jy dit nie neem nie. (Onthou die 8 ste Gebod!)

BAIE DANKIE

Baie dankie vir die pragtige blomme, besoeke, ondersteuning en gebede. Potchefstroom-Oos sal altyd deel van my "harts-familie" bly! Liefde, Tannie Marietjie Scheepers

BEROEPE NUUS

Klassis Limpopo, met advies van die Deputate vanweë Streeksinode Bosveld, het op 12 April 2016 br. FG Lee kragtens artikel 4 K.O.

geëksamineer en hom in die Gereformeerde Kerke beroepbaar gestel.

BEROEPE ONTVANG

Ds W van den Heever [Werner] van Vryheid na Gobabis.

BEROEPE AANVAAR

Ds RA Bain [Ronald] van Cachet na Potchefstroom

KENNISGEWINGBORD

- Woonstel beskikbaar in Groenwilgers aftreepoord vanaf 3 Mei 2016. Vir navrae skakel: 018 290 5800 | 082 467 5800
- Cachet Skoolverlaterskamp 3-8 Julie

OOSDOPPERTJIE ANTWOORDE

Die ark was van **GOFERHOUT** gebou, met **PIK** dig gemaak, ingedeel in **VERTREKKE** en het 'n **DAK** met 'n **NOK** en 'n **DEUR** gehad.

As dit 13,5m hoog was, was dit hoër as 5 verdiepings van ons huise!

SOSIALE MEDIA VIR ONS GEMEENTE

Webblad: www.oosdoppers.co.za



Facebook:

www.facebook.com/oosdoppers

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.



Karel se preke kan ook aanlyn besigtig word by

<http://karelsteyn.blogspot.co.za/>

KONTAKBESONDERHEDE: PREDIKANTE & KANTOOR

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Kerkkantoor: 018 290 7690

Ds Piet se e-pos is weer reg en kan u weer met hom kommunikeer per e-pos.

Susters



TEESKINKGELEENTHEID

Tee word vandag in die Skuur bedien onder die leiding van Anrie vd Schyff (groep 4), Sonette Turkstra (groep 5) en Rolene vd Walt (groep 17).



Baie dankie aan die groepsusters en hulle groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

SUSTERSBYDRAE

 Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.


BLIKKIES-WARMHARTE

 Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan.

Baie dankie aan almal wat so getrou vir ons die vol blikkies bring.

KWARTAALPROGRAM

DATUM	DAG	TYD	WIE	WAT
19-Apr	Dinsdag	18:00	Bestuur	Susterbestuursvergadering
22-24Apr	Naweek		Naamlys	Gemeentekamp
26-Apr	Dinsdag	18:00	Groepsusters	Groepsustersvergadering
23-27 Mei	Maan-Vry	13:00 en 18:00	Naamlys	Oosdopperfees - Vleiswerk - etes
28-May	Saterdag	09:00	Almal	Oosdopperfees
14-Jun	Dinsdag	19:00	Blok A	Sustersamekoms
05-Jun	Sondag	19:00	Blok C	Ouderlingevergadering - verversings
12-Jun	Sondag	12:00	Blok D	Nagmaal & ete



OOSDOPPERTJIE-NUUS



REËNBOOG WORD TEKEN

ARARAT. - 'n Reënboog is nie meer bloot 'n reënboog nie. Voortaan is dit die teken dat die wêreld nooit weer in 'n watervloed sal vergaan nie.

So het Noag gister aan ons gesê na afloop van die dankseggingsdiens wat hy gehou het om die redding uit die vloed te vier. God het aan hom verskyn en 'n verbond met hom aangegaan waarin Hy beloofe het om nooit weer die aarde deur vloedwaters te vernietig nie. "Die reënboog is die teken wat ons - en God - aan hierdie belofte sal herinner," het hy gesê.

KOPKRAPPER

Hierdie is 'n WARE kopkrapper! Lees Gen 6: 14-16, soek nou 6 woorde uit wat verband hou met die bou van die ark (hoe dit gelyk het en wat Noag moes gebruik).



Het julle al uitgewerk hoe hoog die ark moes wees? 'N huis is omtrent 2,5m tot by die plafon. Hoeveel verdiepings van ons huise was die ark dan hoog?

Z	P	K	L	M	N	P	R	R	S
C	T	T	Z	C	W	V	I	Z	C
V	V	E	R	T	R	E	K	K	E
T	N	T	D	A	K	R	Z	C	C
G	O	F	E	R	H	O	U	T	M
R	K	Y	U	T	H	T	V	W	N
K	Z	C	R	M	Z	V	W	N	P

BAIE DANKIE AAN ONS BORG DIE WEEK!

HUIZEMARK
EIENDOMSAGENTSKAP

ONS HET VOORDUREND POSTE BESKIKBAAR
VIR AGENTE EN BEMARKERS

ONS DOEN :
Verkope & Verhurings
* Huise, * Woonstelle,
* Meenthuise,
* Besigheidspersele,
* Plase, * Plotte



VIR ALLE
EIENDOMSBEHOEFTES
SKAKEL
Rolene vd Walt
082 859 6209
Linda Nolte
082 785 3951